

**№94 орта мектептің арнайы маманның 2023-2024 оқу жылында  
атқарылған жұмыстарының жылдық  
ЕСЕБІ**

2023-2024 оқу жылында Қазақстан Республикасының Білім және ғылым министрінің 2022 жылғы 12 қаңтардағы №6 бұйрығы және №4 бұйрығын негізге ала отырып, ерекше білім беруге қажеттілігі бар балаларды анықтау бағытында психологиялық – педагогикалық қолдау қызметі жыл сайын уақытылы ұйымдастырылып, өткізіліп отырылды. Отырыс нәтижесінде анықталған оқушыларды ПМПК кеңесінен өткізіп, арнайы маман жеке-топтық түзете-дамыту сабақтарын жүргізді. Инклюзивті қолдау кабинетін қолданып, ерекше білім беруге қажеттілігі бар балалардың сапалы білімге қол жеткізу үшін инклюзивті жағдай жасау және кедергісіз ортаны құрумен қамтамасыз етілген.

2023-2024 оқу жылында ПМПК мекемесінің қорытындысы бойынша ерекше білім беруге қажеттілігі бар оқушылар саны - 13 оқушы, үйден оқитын оқушы жоқ. Психикалық дамуы тежелген – 4 оқушы, сөйлеу тілі бұзылысы бойынша – 2, көру қабілеті бұзылысы бойынша - 3, қосымша сырқат түрлері бойынша - 4 оқушы. Жалпы білім беру бағдарламасы, соның ішінде психикалық дамуы тежелген диагнозы бойынша 4 оқушы бейімделген білім беру бағдарламасымен оқытылды. Атап айтар болсақ:

2 а сынып оқушысы Ерболатов Ғалым Нұрланұлы – жалпы сөйлеу тілі дамымауының II-деңгейлі бұзылысы және психикалық дамуы тежелген диагнозымен бейімделген білім беру бағдарламасымен;

2 б сынып оқушысы Зейнулла Ерасыл Кенелұлы – психикалық дамуы тежелген церебральді-органикалық генезді түрі мен бейімделген білім беру бағдарламасымен;

4 б сынып оқушысы Асанбай Айару - жалпы сөйлеу тілі дамымауының II-деңгейлі бұзылысы және психикалық дамуы тежелген диагнозымен бейімделген білім беру бағдарламасымен;

5 а сынып оқушысы Серғалиев Исламбек Қобландыұлы - жалпы сөйлеу тілі дамымауының II-деңгейлі бұзылысы және психикалық дамуы тежелген церебральді-органикалық генезді түрі, тұтығудың орташа дәрежесі диагнозымен бейімделген білім беру бағдарламасымен оқыту ұсынылды.

4 а сынып оқушысы Қайрулла Ерасыл – сөйлеу тілі бұзылысы (таңдай жарығы) бойынша дәрігердің есебінде тұрады, жалпы білім беру бағдарламасымен оқыту;

4 б сынып оқушысы Аманқос Бексұлтан Айбекұлы көру қабілеті бұзылысы (нашар көретін) бойынша дәрігердің есебінде және мектептің жалпы білім беру бағдарламасы, көзге салмақ түсірмеу бойынша оқыту ұсынылды.

7 б сынып оқушысы Ақбөкен Нұрайша Мейрамбекқызы - көру қабілеті бұзылысымен (нашар көретін) жалпы білім беру бағдарламасы бойынша оқыту;

7 б сынып оқушысы Байұзақ Мұхаммед Ерланұлы көру қабілеті бұзылысымен (нашар көретін) жалпы білім беру бағдарламасы бойынша оқыту;

6 б сынып оқушысы Асанбаева Аяулым Мейрамбекқызы жалпы сөйлеу тілі дамымауының III-деңгейлі бұзылысымен мектептің жалпы білім беру бағдарламасы бойынша оқытылды. Қалған 4 оқушы соматикалық сырқат түрлерімен жалпы білім беру бағдарламасымен білім алды.

Ерекше оқушылардың жасына, ерекшелігіне, сабақ үлгеріміне, танымдық қабілеттеріне қарай жеке түзету сабақ кестесі жасалып, уақытылы психокоррекциялық жұмыстар жүргізілді. Ерекше оқушылардың ерекшелігіне, оқу үлгеріміне, ата-аналардың өтініші, сынып жетекшілердің ұсыныстарына сәйкес дамытушы платформалармен, көрнекіліктермен сабақтар өткізілді. Мектепшілік әртүрлі бұзылыстары бар 8 оқушымен қосымша түзету сабақтары өтіліп, нәтиже көрсеткен оқушылар оқу жылының аяғында тізімнен алынды.

ЕББҚ бар оқушылармен жүргізілген түзету жұмысының жылдық қорытындысы бойынша сөйлеу тілі бұзылған, оның ішінде 3 оқушыға дыбыс қойылып, машықтандыру жұмыстары жүргізілді. Бастауыш сынып оқушылары, 2 Б сынып Зейнулла Ерасыл, 4 А сынып оқушысы Сүлеймен Нұрасыл, 4 Б сынып оқушысы Мейрамбекқызы Айару оқу үлгерімі түзетіліп, тізімнен алынды.

Ерекше білім беруді қажет ететін оқушыларға қатысты мерекелік іс-шаралар ұйымдастырылып, түрлі байқаулардан жүлделі орындар иеленді. Спорттық сабақтарға, үйірмелерге қатыстырылып, қызығушылықтарын арттыруға жұмыстар жүргізілді.

Мерекелік іс-шараларға: **«Шәкірттердің жылы лебізі»** ЕББҚ бар оқушылардың ұстаздарды құттықтауы, **«Кітап – сарқылмас қазына»** кітапханашымен арнайы маман бірлескен іс-шара, **«Күз әлеміндегі мен»** Еббқ бар оқушылар арасындағы фотобайқау, **«Шынықсаң шымыр боласың»** ЕББҚ оқушыларға спортпен шұғылдану сабағы, **«Көңілді үзіліс»**, **«Қамқорлық жасау – қайырымды қоғамның қағидасы»** алғыс білдіру іс-шарасы, **«Тәуелсіздік - тұғырым»** сурет байқауы, ЕББҚ бар оқушыларға қолдау көрсету мақсатында сыныппен **«Еңбегі адал жас өрен»** жобасы, **«Досбол LIKE достық қолын ұсын»** көңілді акциясы, **«Ұлттық құндылықтар – ел қазынасы»** шарасы, **«ЕРЕКШЕ досболлайк»** акциясы, сыныппен жағымды қарым-қатынас қалыптастыру мақсатында **«Қуанса шәкірт қуансын»**, **«Бақытты болған қандай жақсы»** педагог-психологпен бірлескен апталық ұйымдастырылды.

Жылдық жоспарға сәйкес **«Балам сен үшін»** ата-аналармен дөңгелек үстел ұйымдастырылды. Ал **«Келіңіз, көңіл сергісін»** ұжымдағы әріптестерге көңіл-күй сыйлау, **«Ұстаз аты -мәңгілік»** тақырыбында мұғалімдер арасындағы қарым-қатынасты нығайту мақсатында тренинг өтілді. Және де ата-аналар мен мұғалімдермен ұсыныс-пікір алмасып, кеңестер айтылу жұмыстары жүргізілді. Сонымен қатар, арнайы педагог сабақ кестесіне сай ерекше білімді қажет ететін оқушылармен түзете-дамыту сабағын уақытылы жүргізіп отырды.

2023-2024 оқу жылында ЕББҚ бар 10 оқушы **«Шебер қолдар», «Тоғызқұмалақ», «Ісмер қыздар»** үйірмелеріне қатыстырылды.

Оқушы жетістігіне: **«Ризашылық – мейірімділік бұлағы»** жобасы аясында **«Шексіз шығармашылық»** республикалық байқауында ІІІ дәрежелі дипломмен Қайрулла Ерасыл, ХVІІІ республикалық «JULDYZAI» шығармашылық фестивалінің аудандық кезеңінде ІІ дәрежелі дипломмен 5 сынып оқушысы Асанбаева Аяулым марапатталса, **«Тең мүмкіндіктер»** инклюзиялық спорт фестиваліне ЕББҚ оқушылардан топ командасы қатысып, арнайы дипломмен марапатталды.

Кәсіби жетістік бойынша **«Үздік дефектолог - 2024»** байқауына арнайы маман Алпысбай Гүлсая қатысып, **«Креативті маман»** номинациясын иеленді.

Әрбір атқарылған жұмыстар әлеуметтік желіге (Facebook) жарияланып отырды.

Қорытындылай келе, келесі оқу жылында түзете-дамыту жұмыстары жалғасын табады.